

四庫全書

子部

欽定四庫全書

古今源流至論前集卷六

宋 林駟 撰

階官沿革圖

本朝官階

上係元豐制下係宋初制其政和大觀增改者別注在下又以祖宗舊官遷轉之法參附

于後

開府儀同三司 使相

祖宗以節度使中書令節度使侍中節度使平章事
待勲賢故老久次宰相罷職隨其舊職如節度使出

判大藩及召入未還相位而拜樞密者則加樞密使

以易節度故通謂之使相

正誤曰曹彬初以節度使為樞密使不罷旄鉞乃開

寶九年二月事其年十月太宗即位二十七日加彬同平章事仍充樞密使即罷旄鉞此言以樞密事易節度即通謂使相蓋誤若謂樞密使加同平章事亦通謂之使相則可又不係召自大藩未還相位而為樞密使雖使中書叙位亦在同中書門下平章事之下

迨改官制一用開府儀同三司換之時祖宗意以文潞公彥博任使相侍中曹郡王侑任使相中書令皆換開府為減恩數於是拜潞公太尉自司徒進位也

佾進封濟陽郡王

特進

左右僕射

左右僕射為宰相官樞密參政止於六尚書若宰相
官係吏部尚書即遷左僕射係兵部尚書即遷右僕
射乃用特進換之時王安石獨改特進至政和後薛
昂帶觀文學士任特進白時中以門下侍郎帶特進
皆失舊制繼詔並改金紫光祿大夫今後非宰相不
除

右二等為宰執

金紫光祿大夫

吏部尚書

元豐獨換吏部尚書者蓋故事宰相初美罷不拘見帶六部侍郎或左右丞五尚書皆超進吏部尚書故以金紫易之若宰相官帶吏部尚書者多拜使相出鎮若平遷即加左僕射

銀青光祿大夫

戶部刑部

禮部工部

兵部五尚書

時宰相王珪任禮部侍郎平章事神宗以珪久不

進官因改官制換寄祿乃遷銀青光祿大夫○光祿

大夫

元祐銀青光祿大夫分左右大觀以左銀青光祿大夫為

光祿大夫

光祿大夫 左右丞

○宣奉大夫

正奉大夫

元祐有左光祿大夫右光祿大夫大觀改左光祿大

夫為宣奉大夫右光祿大夫為正奉大夫今所謂光祿大夫乃右銀青光祿大夫也

正議大夫 吏部工部

戶部禮部

兵部刑部六侍郎

以正議大夫換六侍郎併作一等時論以宰執貪進

官作此蓋故事丞郎作四轉今乃改作兩轉耳

○通奉大夫

元祐正議大夫分左右大觀以左正議大夫為正議大夫右正議大夫為通奉

大夫

通議大夫

給事中 中書舍人

太中大夫

左右諫議大夫

神宗以寄祿官等級減少遂以太中大夫為宰相官故蔡確時任右諫議大夫參知政事先換太中大夫及拜相則依前太中大夫守尚書右僕射兼中書侍

郎遂為定制

右宰執所轉官自通議以上無磨勘法自金紫光祿

至太中為侍從

以上加爵

元豐中自太中大夫至金紫止六階昔之尚書今為
一官昔之六部侍郎今為一官是十官併為兩官矣
左右丞左右諫議亦併四官為兩官其後增置通奉
正奉宣奉大夫三階自太中以上惟宰執侍從得遷

中大夫

秘書監

殿中監

元豐三年偶闕任殿中監者故只著秘書監

神宗以太中大夫為宰相官故初除執政只授中大夫時翰林學士蒲宗孟王安禮為左右丞二公寄祿官皆未至大夫只除中大夫守之

○中奉大夫

元祐中散大夫分左右大觀以左中散為中奉大夫右中散為中散大夫

中散大夫

光祿卿

少府監

故事有出身人自太常少卿轉光祿卿無出身人自衛尉少卿轉將作監次轉衛尉卿自衛尉卿遷殿中

監無出身人減一轉為優

朝議大夫

太常少卿

光祿

衛尉

司農
左右司郎中

○奉直大夫

元祐朝議大夫分左右大觀以左朝議大夫為朝議大夫以右朝議大夫為奉

直大夫

奉直

朝議

中散

中奉

中大夫

五等為卿

監

以上加
食邑

少卿監等級最多一換之則清濁莫分舊

制應兩制侍從官至左右司郎中當遷者左司轉左

諫議右司轉右諫議其太常少卿若自吏部兵部司

封郎中轉到者遇特旨轉行亦遷右諫議大夫以別
歷任清要則是朝議轉太中也崇寧已前從官自朝
議直轉中大夫乃用元豐故事以中大夫為執政官
可比舊制太中大夫自增中奉大夫遂細轉乃由當
時執政不知典故爾至庶僚職方郎中轉光祿少卿
駕部郎中轉司農少卿次轉衛尉少卿皆為朝議其
太常少卿年勞叙遷及光祿少卿皆轉光祿卿若衛
尉少卿只轉少府監或將作監次遷衛尉卿則是有

出身者三遷至秘書監無出身者五遷至殿中監皆
中大夫也今增置奉直中奉而有出身人不遷中奉
奉直猶舊制也

朝請大夫

吏部
考功

兵部
駕部

司封
庫部

郎中

謂之前

行郎中

職方
司勳

昔之吏兵司封三曹若翰林學士任即遷中書舍人
自舍人遷禮部侍郎視他官遷五等蓋祖宗優詞臣
如此侍從官任即遷左右司郎中次遷左右諫議館
職以上任即遷太常少卿再遷光祿卿若任太常少

卿除侍從官徑遷諫議大夫兩制到此不轉卿監超轉諫議止候朝議有闕方補朝議以七十負為額

朝散大夫

戶部司門

刑部比部郎中

度支

都官

金部

倉部

朝奉大夫

禮部屯田

工部水部郎中

主客

膳部

謂之後行郎中

昔之吏戶禮三曹惟除郎中不除負外蓋侍從方遷此官仍隔一資超轉

朝奉

朝散

朝請

三大夫為正郎

故事右名曹

兵刑工三部

及司封司勳度支金部祠部主

客雖轉正郎亦不呼郎中只稱其曹名以辨其常譌也自改大夫更無別異自古大夫猶今之執政侍從也書所謂日宣三德者是焉曲禮曰四郊多壘卿大夫之辱也由此觀之豈宜換授庶僚耶在漢晉間只有光祿太中中散大夫為侍從官當論思獻納之任至隋唐增名作階已非所宜今乃易少卿監郎中是轉名器也

朝請郎

兵部
庫部
負外郎
司封

駕部
謂之前行
負外郎
司勳
職方

朝散郎

起居舍人

度支部

侍御史

司門比部員外

刑部

都官
謂之後

行員
外郎

右三等為員郎侍御史不與中行員外郎等殿中侍
御史不與後行員外郎等故自監察御史遷殿中侍
御史殿中遷侍御史此以特旨遷 此三等階未免
混淆祖宗愛惜名器不以假人凡士之有德有才者
有政事文學者隨其所長用之命其官以別之故狀
元登第者初命官以將作監丞兩遷左司諫次轉起

居舍人兵部員外郎多官未及此以擢知制誥若左
右司諫帶待制以上職遷吏部員外郎起居舍人帶
待制以上職遷禮部郎中次轉吏部郎中次轉右諫
議大夫若三人及第及制科歷一任回即除館職并
任官職人官自太常博士遂遷祠部度支司封員外
郎若因任轉運副使以上即自祠部轉刑部度支遷
兵部員外郎司封轉工部郎中凡進士出身人自太
常博士遂遷屯田都官職方員外郎若任省府推判

官提點刑獄或館職即遷祠部度支司封員外郎若
官已係屯田即遷度支都官即遷司封員外郎職方
郎轉祠部郎中凡待世賞自國子博士轉虞部比部
駕部員外郎若曾任省府推判官提點刑獄以上郎
轉主客金部司勳員外郎若官已係虞部即遷金部
比部郎遷司勳駕部郎遷主客郎中凡雜流出身自
國子博士轉水部司門庫部員外郎若擢省府推判
官提點刑獄即自水部遷倉部司門遷考功庫部遷

膳部郎中此等遷改絕稀但多因避家諱第降一等改至此曹若任兩制侍從轉官即自後行員外郎便遷吏部次遷戶部郎中次遷左司郎中其中行員外郎合轉禮部郎中次遷吏部郎中其前行員外郎同後行再遷之格

右六部分二十四司吏戶禮三部

任侍從官方除此

及司封度支祠部為左名曹

任館職人方遷此兵刑

工三部

館職任轉運副使以上方遷此及職方都官

屯田為右名曹

有出身人方遷此

司勳金部主客

蔭

補擢用者方遷此

及考功倉庫膳部為左曹

雜流擢

省府推判官提點刑獄者方遷此

駕部比部虞部

補方遷此

及庫部司門水部為右曹

雜流遷此叙遷

品秩尤嚴今以二十四司併為三階宜失之太簡也

承議郎

舊左右正言太常博士

監察御史國子博士

奉議郎

太常丞秘書丞

殿中丞著作郎

通直郎

太子中允中舍

左右贊善大夫洗馬

舊制初除知制誥及待制而官未至負外郎者即除
右正言惟狀元未擢外制當叙遷者即自著作郎亦
轉右正言熙寧三年許將以磨勘當遷宰相王安石
方欲抑三人進取遂特與太常博士初下筆方成大
字堂候官以手約筆具陳祖宗舊制當遷右正言安
石乃改大字就作右字因知前輩堂吏猶能執祖宗
之法若有出身人皆遷太常博士餘人皆轉國子博
士易階官後清濁無別矣



昔之正言監察御史著作郎皆特旨遷不與太常博士國子博士及三丞等

舊制前名自太子中允遷太常丞著作佐郎遷秘書丞大理丞遷殿中丞狀元初命將作監丞首遷著作郎凡無出身者自太子贊善中舍洗馬皆遷殿中丞以上兩等皆號大朝官

舊制凡初擢用京官選人為經筵官及臺諫皆除太子中允若擢轉運判官則前名除中允無出身人除

贊善中舍其叙遷官則還其歲月以表其借朝臣而奉使也若無出身人自大理寺丞叙遷中舍宰執奏補者轉贊善雜科轉洗馬蓋有以別之自改官後祔拜待制以上而官未陞朝官並改通直郎仍敘舊制帶除正官爾以上太子官屬號小朝官

右三等階官及以上外郎郎中加勳自武衛至上柱國

宣德郎 著作佐郎 大理寺丞 今為宣教郎

凡前名自光祿寺丞轉官選人改官皆遷佐郎大理評事轉大理寺丞餘人光祿衛尉寺丞轉官選人改官皆遷大理寺丞

宣義郎

光祿寺丞

衛尉寺丞

將作監丞

凡前名自太祝奉禮轉官選人改次等官皆遷光祿寺丞餘人大理評事自太祝轉者遷光祿寺丞奉禮轉及選人改等官皆遷衛尉寺丞

承事郎 大理評事

凡前名校書郎正字監主簿皆轉評事昔第一甲三

人登科命官如之熙寧末狀元方除評事餘人太祝

奉禮遷官皆轉大理評事宰相任子亦如之

正誤曰狀元授

大理評事自嘉祐四年劉焯始前此狀元並授監丞

第二三人授大理評事熙寧三年葉祖洽授大理評

事上官均陸佃授兩使職

官張中程克佐為初等職

承奉郎 太常寺太祝 奉禮郎

凡執政官任子授太祝其用宰執恩澤轉官皆遷太

祝其用從官恩澤轉者遷奉禮

承務郎

秘書省

校書郎

正字亦將作監簿

凡任子前宰執授校書郎諸曹侍郎樞密直學士以上授正字諫議大夫待制以上授將作監簿舊制校書正字有俸同太祝奉禮郎格至改階官一例無俸

祖宗故事進士第一人初命官以將作監丞遷著作郎遷左右正言遷右司諫遷起居舍人自將作監丞至起居舍人五官惟進士第一人乃特旨得遷自起居舍人即遷兵部外郎次遷工部郎中若以起居舍

人知制誥即遷禮部郎中超遷一官自是以上率超一官以遷祖宗於進士第一人所以優待如此

右五等階號京官自京官而上四年一轉無出身人逐資有出身人超資至奉議並逐資至朝議大夫有止法內奉直中散大夫有出身人不轉祖宗朝官制其甄別流品至嚴一官凡數等宰執侍從之遷為一等卿列館職之遷為一等出身為一等蔭補為一等雜流為一等

卷六
崇寧七階

承直郎

三京府判官
觀察判官

留守判官

節度判官

儒林郎

節度掌書記

觀察支傳

文林郎

防團判官
節度推官

京府軍監判官

留守
以上為兩使職官

從事郎

防團推官
以上為號初等職官

監推官

從政郎

錄事參軍
崇寧號通仕郎

縣令

政和改從政郎

號令錄

修職郎

錄事縣令
崇寧號登仕郎

試御知縣知錄事
政和改脩職郎

迪功郎

司理
崇寧號將仕郎

司法

司戶簿尉
政和改迪功郎

號判司簿尉

右號選人

階官始末

漢置光祿大夫因秦郎中令有中大夫之員則光祿大

夫之名蓋始於此

漢百官表上秦郎中令屬有中大夫武帝太初元年更名中大夫為光祿

大金紫則置於魏也銀青則置於晉也

唐六典觀晉有加金章紫綬者

則謂金紫光祿大夫又晉有銀青光祿大夫

隋置散官取秦大夫掌議論之

義則正議通議之名蓋始於此

秦郎中令有太中大夫中大夫諫大夫掌議論

皆無員多至數十人又隋因置正議通議

太中大夫中大夫則置於秦也

見

上中散大夫則置於漢末也

王莽置中散大夫

朝議大夫雖隋

置之亦因漢大夫以上得奉朝議之意朝請大夫雖隋

置之亦因漢將軍公卿以特進奉朝請之意

並通典

至朝

散則隋置之唐因之耳宣奉至朝奉六階則元豐未有

大觀創之耳

宣奉正奉通奉中奉奉直朝奉凡六階置大觀

此大夫之階始末

也隋置朝請朝散郎之官元豐置朝奉之官隋文置奉

議之官又隋採晉宋以來諸官皆有通直郎以官高下

而通為宿直故始為通直之稱至唐取梁宣議將軍而

易隋游騎尉之散官故始有宣議之名承奉承直則隋

創之

隋煬帝故事唐因之國朝避諱改為承事承奉隋文帝置之

承務則唐置之

因隋尚書二十四司承務之名崇寧七階初已定其四

承直文林儒林從事而三

者之名則更於政和

職從政

此郎之階始末也蓋國初

庶官只存空名元豐新制以階易官然昔之雖存空名

而流品甄別官秩難進則人人有安分之念今之易為

階官而流品混淆官職易高則易有所希覬而不自重

矣舊平章遷侍中侍中遷中書令中書遷尚書令國朝

未有至中書令者今以一儀同三司諫之是宰相累遷

之官一遷即為之矣

奏議畢仲游言舊平章遷中書令國朝未有遷至中書令而今儀同

三司一階兼宰相累遷之官舊禮部尚書遷戶部尚書遷吏部工部遷刑部刑部遷兵部而今銀青光祿大夫

一班兼尚書累遷之官舊制禮部侍郎遷戶部戶部遷吏部工部遷刑部刑部遷兵部而今正議大夫一階兼

侍郎累遷之官昔之階秩難於進今之階秩易於高舊六部尚書侍從則自禮而

戶自戶而吏常調則自工而刑自刑而兵今以一銀青

光祿諫之是十二年之官八年俱歷之矣此畢仲游之

深有慨於階秩易高之弊也

見上

舊制六曹侍郎之任

禮部遷戶部戶部遷吏部則待侍從臣僚工部遷刑部
刑部遷兵部則待常調臣僚其區別嚴矣今例以正議
大夫可乎舊制前行郎中之任遷太常少卿則待進士
遷司農衛尉少卿由司農衛尉少卿入光祿少卿則待
世賞其區別嚴矣今槩以朝議大夫可乎此丁騭深論
流品相混之弊也是長編丁騭言正議大夫舊六部侍郎
是也官制未行以前侍從臣僚自禮
部遷戶部戶部遷吏部常調臣僚自工部遷刑部刑部
遷兵部三遷凡十二年今自通議大夫一遷即為正議
大夫前行郎中考滿當遷進士則遷太常少卿今朝議
大夫也非進士出身則遷司農少卿或衛尉少卿由司

農衛尉少卿入光祿少卿然後轉少府監如此二雖然
遷凡十二年今自朝議大夫二遷為中散大夫

官秩易高流品相混固不免或者之譏而正名責實各
舉職任亦官制既更之驗也況夫一黜一陟有合舊制
亦不可謂無得於祖宗之意且自朝議大夫直遷太中
大夫此元豐制也非舊日兩制以上不遷卿監之遺乎
官至朝請大夫而止待朝議有闕則補此元豐制也非
舊日以少卿監七十負為額之遺乎見上此其選用之
公升進之難亦何憊哉若夫循國初之舊意釐元豐之

新制又不能無望於今日

兩府

國朝兩府之職其周之冢宰司馬歟漢之丞相太尉歟然周以冢宰統司馬故兵民有相通之意漢太尉重於丞相而武職往往偏失焉觀此則國朝之或分或合其得失有不難知者且冢宰司馬周之六卿其職適相等耳然調發之權不歸之司馬而歸之天官豈固畀以職而復奪其權耶蓋兵為重事身為大臣邈不相通則國

事睽矣故呂伋掌兵若無與於太保而太保實俾之程伯出師若無與於尹氏而尹氏實命之夫以掌兵出師之事一屬大臣則脉絡貫通又安有疑貳之意哉丞相太尉漢之三公其職亦相維耳然漢承秦舊官制益紊文不足以勝武兵有以異乎政事權偏重無以為統御防閑之道其事不可勝弔矣故諸呂兆禍勢亦亟矣丞相平至以五百金交歡太尉勃而左袒之功僅濟擁昭立宣事亦重矣丞相敞至不敢發一語而大將軍以國

家之權自任並本傳夫以丞相之重而下聽命於掌兵

之將況望其能振職哉愚嘗推兩府之分合矣且中書

主民密院主兵其事相埒也中書降麻密院降宣其權

相等也將分任其事之為當耶則軍國大務不當專

未免如富鄭公之議康定元年知諫院富弼又言邊事係國安危不當專委樞密院而宰

相不與乞如國初抑併其職為中書耶則兵柄相維有

關大體又非所以知祖宗建樞之意會要元豐改官制議者欲廢密院歸

兵部神宗曰祖宗不以兵柄歸有司互相維制不從嗚呼分其事固非也併其職

尤非也必於分之中而有合之理存於判然不相為謀之際而實有相貫通者寓然後可與論設官之深旨歟蓋

自范質王溥免相之後而二府之事權裂矣

國初建隆間范質王

溥趙普皆兼樞密使後罷獲繼遷母之議非細事也密院知之而中

書初未知之

太宗朝獲李繼遷母時與密院寇準議欲斬之中書呂端初未知其議遂詣準因語

欲斬繼遷母端曰某為中書豈容不與其議因奏繼遷母不當斬恐絕繼遷必致侮遂從之

興兵薊

門之役非末故也密院謀之而中書不預聞之

雍熙北

伐曹彬等為敵所躡我師大敗趙普手疏極諫初議興兵上獨與樞密院計取中書不預聞

此田公

錫抗言密院公事宰相不得預聞中書政事樞密不得

預議不能無憾於咸平之時也

咸平初田錫抗言密院公事宰相不得預聞中

書政事樞密不得預議致兵謀不精國事未善

迨夫景德間真宗每得邊奏必

送中書於是有共參利害之意澶淵百萬之師寇公親

扶日轂尺箠答之而北敵幾無隻輪匹馬之返此非景

德相通之驗歟

景德元年上每得邊奏必先送中書謂畢士安寇準曰軍旅之事雖屬樞密院

然中書總文武大政號令所從出向者李沆或有所見往往制其機宜卿等當閱邊奏共參利害勿以事干樞密院而有所隱也後契丹犯澶淵中書寇自寇公免相公力決親征之議遂射中其帥狼狽以歸

之後而二府之事權又裂矣戎酋之降非末節也而中

書初不預知

時大將劉平敗議制鄉兵不決知陟之敗陳執中同判院張觀並罷張士遜言軍旅

之事樞密當任其責戎酋吹同乞陟自角廝羅界來降詔補三班奉職羈置湖南富弼言當厚賞以勸來者上命以所言送中書元昊之叛非小警也而邊奏皆不關而宰相初不知

中書此丁度力言二府分政若措置乖異則天下無適

從不能無激於康定之初也

康定元年詔樞密院自今邊事並與宰相張士遜章

得象參議之即不須檢國朝舊例以中書制民樞密主兵故元昊反邊奏皆不關中書翰林學士丁度嘗建言古之號令必出於一今二府分兵民之政迨夫慶歷間若措置乖異則天下無適從非國體也

迨夫慶歷間

仁宗因張方平之議於是宰相有兼樞之職西邊陸梁

之賊呂章二公分命名帥戮力平之而卒致骨寒膽破

之謠此非慶厯兼領之效歟

慶厯二年七月右僕射兼門下侍郎平章事呂夷簡

判樞密院戶部侍郎平章事章得象兼樞密使樞密晏殊同平章事初富弼建議宰相兼樞密使上曰軍國之

務當悉歸中書樞密非古官然未欲遽廢故止令中書同議樞密院事後張方平請廢樞密院上乃追用弼議

特降制命夷簡判院事而得象兼使殊加同平章事為使如故又范仲淹韓琦為陝西帥西邊謠軍中有一

韓西賊聞之心骨寒軍中有一范西賊聞之驚破膽自賈昌朝陳執中免相之後

而二府之事權又益裂矣

慶厯二年呂夷簡章得象并兼樞密院三年夷簡致仕晏

殊魚樞使四年殊免杜衍同平章事兼樞密使五年衍得象免賈昌朝陳執中並以同平章事兼樞密使七年昌朝免執中本官以不兼趙明與西人戰密院賞功而中兼樞密使自後並不兼

書降約束郭逵脩堡柵密院方詰責而中書已降褒詔

此滕達道深嘆熙寧戰守異議之非也

熙寧初滕達道言中書密院議

遘事多不合趙明與西人戰中書賞功而樞密院降約束郭逵修堡柵密院方詰責之而中書已下褒詔夫中書欲戰而密院欲守何以今天下迨夫元豐詔大事三省與密院同議矣

元豐官制行詔釐其事之小大大事三省與樞密院同議進呈畫旨三省官皆簽書以付密院小事樞密獨取

旨訖闕三省

元祐詔除授諫官三省密院同進呈矣

哲宗

元豐八年然是時邊事利害尤未甚相通者至建炎間
呂公著言

高宗乃以宰臣張浚兼樞密而趙鼎亦以左僕射兼之
是時也國步尚艱敵勢方張剗亂而治支危而安再植

巍巍中天之業者皆左扶右持之力此非建炎兼領之

功歟

中興本末紹興七年宰臣張浚兼樞密使趙鼎秦檜亦以左僕射兼三十六年詔曰比緣軍興令宰

相兼樞使今邊事已定可體故事不兼

噫自國初以至中興其分其合不

知其幾大抵合之則文武相通分之則兵政異情咸平

景德康定慶歷熙寧建炎之得失可知也可不審哉雖

然主民而知兵此固闢天下之大計密院而不預中書亦非大臣相維之意是故樞使而同平章事君子以為慶歷之善謀見上密司不與三省之差除議者為元符惜之此愚於終篇而詳及焉

元豐間曾布時為樞密欲預三省差除事不允

九卿

論漢之九卿當究其權之輕重論唐之九卿當究其職之煩省嘗按東漢百官志謂之九卿者奉常一也光祿二也衛尉三也太僕四也鴻臚五也少府司農宗正廷

尉合而九焉夫漢唐之九寺即周之六官也然周有上下相維之制而漢有事權偏重之失周有職任無曠之實而唐有負數過繁之弊此其故何哉愚嘗究其源流矣觀周之建官也百官聽命於六卿而六卿聽命於太宰故出納之要職宿衛之親人供奉之近習凡周之人布滿於王朝者若不可得而一而不知實以冢宰統之則其權未始不一也周禮天官司徒以旗致萬民宗伯以軍禮同邦國司馬大合兵以從司寇凡周人兵民之

權若不出於一而不知實以三公兼之則其權未始不

一也此上下相維之制然爾

周禮

彼漢之九卿吾惑焉

景帝眷顧晁錯而內史得侵宰相申屠嘉之權

晁錯傳

武帝屬意弘羊兒寬而九卿敢奪石慶之職

石慶傳

是

時也九卿更進用事天下之務不關決於丞相

同上禮

事屬太常兵事既屬光祿勳又屬中尉刑典盡屬廷尉

邦賦既屬司農又屬少府至使外庭之權丞相皆不與

聞焉此漢事權偏重之由也

漢百官表上

又觀周之建官也

或以公兼宗伯司寇或以公兼司馬司空是公得兼卿

職也

周公以公兼冢宰召公以公兼宗伯蘇公以三公兼司寇畢公毛公以三公兼司馬司空或以

卿兼鄉大夫或以卿兼軍將是卿得兼有司也

周禮一卿則卿

一人又致凡軍將皆命卿此周人職任無曠之實然爾彼唐之九卿

吾憾焉既有六尚書合周官之數又有九卿寺同漢官

之名杜佑言其繁之弊則曰官名職務遷易不同空存

虛稱皆無事實故有二臯陶二垂二契二伯夷二伯益

四伯冏之說

本傳

陸長源言其曠之弊則曰光祿不供

酒衛尉不供幕官曹虛設祿俸枉請

陸長源上疏曰兵部無戎帳戶部無

版圖虞水不管山川金倉不司錢穀光祿不供酒衛尉不供幕秘書不校勘著作不修撰官曹虛設祿俸枉請

是時也其任分則其數必繁其數繁則其事必曠太農

少府復分於戶部太常宗正復散於禮部儀仗一事也

既掌於衛尉又掌於庫部飲饌一事也既任於光祿又

任於膳部其餘三寺亦多分散

唐百官志

此唐職任過

繁之由也循漢唐之名得成周之實不失於偏重不失

於過冗幸有國朝之制焉國初省部寺監皆為空名九

卿之職併省不齊且太常則易為判禮院之名會要國初太常

寺皆以禁林之長主判而禮院自有判院同判院天禧末罷知院天聖中有禮儀院而寺與禮儀舊不相闕康

定九年置判寺同宗正則僅有判寺之名續會要國朝判寺兼禮儀寺

事一人以宗姓兩制以上充闕時則朝官已上知承事掌奉宗廟諸陵薦享之事司皇族之籍又元豐改制所

掌與舊太僕則羣牧司是其職也大理則糾察在京刑畧同

獄是其職也鴻臚則其職歸客省四方館光祿司農則

其職皆隸三司衛尉則其職分為金吾衛仗三衛皇城

等司此國朝建置之始也察官制九寺則判太常寺禮院即卿之任也資輕者為知

院同知院兼掌博士之職宗正有判寺一員太僕職屬羣牧司有制置使一員以樞密及學士領之有判院一員大理則糾察在京刑獄是其職也鴻臚歸客省四方館光祿司農太府其職皆隸三司衛尉無所隸屬其職分為金吾衛仗司其環衛之任分隸三衛迨元豐詳定皇城司矣故此五寺別無置司并主判官

官制法唐六典其九寺各有卿有少卿有丞簿惟太常

復置博士太祝奉禮協律之官大理復置寺正評事司

直之官

同上元豐定制九寺各有卿少卿寺簿而太常復置博士太祝奉禮協律郎大理則置寺正評

事司

其名正矣其職定矣然既有六部又有四監既有

四監又有九寺是不免有十羊九牧之煩此寺監之職

可歸六曹之論所以拳拳於劉公安世也

元祐劉安世上言陛下量

事簡劇以定負之多寡六曹所減凡十九員而官無廢事者處之得其理也今太僕鴻臚光祿太府各二卿丞簿官屬仍不預焉前日省官之詔遂為空文欲望寺監之職可以歸之六曹者宜盡省之庶幾官得其人經費給中興以來遂議併省衛尉併兵部太僕併駕部光祿

鴻臚併禮部所存者僅五寺耳官無虛設事無散任此

所以為萬世一定之法歟

中興會要中興以來併省冗職除太常寺大理寺不罷外

宗正以太常兼而衛尉併兵部太僕併駕部太府司農併戶部光祿勳鴻臚併禮部紹興復置宗正太府司農餘並雖然論虞九官之制不若論夔典樂夷秩宗之為

盛論周六卿之典不若論召公宗伯蘇公司寇之為美

吾觀我朝其任太常也范景仁為判寺力辯濮園之議

凜凜然有生氣

治平中范景仁判太常寺時濮園之議或以親說上景仁力辯非是

賈黃

中除禮院詳定損益之禮後世皆取法焉

實錄賈黃中判太常禮院

多識故實每詳定典禮損益得中咸善之治平中修禮書百卷名曰太常因革禮初歐陽公同判太常寺奏請

其任宗正也元弼定教親之式俾公子皆有振振麟趾

之風

治平元年判大宗正寺元弼言詳定皇親讀書等賞罰規式詔依所定

仲忽立糾親

之法親賢懋功之閭歸然有光

四朝國史仲忽傳仲忽者入判太宗正寺徽宗

賜之甲第建親賢懋功之閣以示則知我朝卿寺之任寵立宗同法式後人視為宗貫果在此而不在彼微夫漢唐之官也其視我朝巨公碩望流芳後日者不亦慙乎

臺諫

昔我孝宗之諭御史也曰分隸六察可許詳奏至諭諫

臣也曰欲其遺補不任糾劾

乾道八年虞允文奏祖宗時監察御史未言事上曰

今既分隸六察可許隨事詳奏又淳熙十五年林栗奏諫議之臣往往分行御史之事箴規闕失寂無聞焉乞面加訓諭以遺補夫糾劾臺官之任也論諍諫垣之為名不任糾劾之職

責也然臺臣得行論諍之事諫垣不任糾劾之舉祖宗之意何責已以周待人以恕也然則以臺諫分任其責其殆漢唐之制歟嘗觀漢百官表矣御史有中丞專掌

糾劾諫大夫數十人俱掌議論

漢百官表上御史兩丞皆曰中丞在殿中蘭臺

掌圖籍秘書外督部刺史內領侍御史十五人受公卿奏事舉劾案章光祿勳屬官有大夫掌議論有太中

大夫中大夫諫大夫多至數十人

糾劾委御史議論委大夫是漢臺諫

之分也是故蕭望之按延壽之驕恣嚴延年劾霍光之

廢立皆以御史也

前蕭望之為御史大夫按韓延壽驕恣嚴延年為侍御史劾霍光擅廢立

劉向戒外戚之竊柄龔勝爭孫實之繫獄皆以大夫也

劉向為光祿大夫力論外戚之橫又龔勝時為諫大夫爭孫實係掖庭獄其所以各守其

職也甚嚴矣又觀唐陸長源之論矣諫臣須蹇蹇匪躬

之士憲官須孜孜嫉妬之人匪躬故為諫臣嫉妬故為

憲官是唐臺諫之分也本傳是故韋思謙之劾褚遂良

溫造之奏李佑皆以御史也本傳杜拾遺之封事岑補

闕之諫書皆以諫臣也杜甫為拾遺詩曰明朝有封事數問夜如何岑參為補闕詩曰

聖明無闕事自覺諫書希其所以各專其事也甚明矣吾猶惜夫諫

垣太拘言路太狹殆非廣君之聰明也大抵漢唐之任諫諍自諫臣之外皆無所與非諫臣而得與者往往以越職離局議之昔漢鄭昌訟蓋寬饒之書曰臣官以諫為名不敢不言夫官任諫諍然後得論則其他皆不敢言也固宜

本傳

唐魏謩之擢拾遺補闕未幾遷為起居

舍人帝以論奏敕之謩則曰頃為諫臣故得有所陳今記言動不敢侵官夫拾遺補闕則諫起居舍人則不諫是無怪乎其曰侵官也

本傳

蓋嘗推原其由古者樂於

聞善故彼此皆得以盡言後世諱於聞過雖諫臣亦不得行其職汲黯以中大夫而守東海蕭望之以諫官而補郡吏蓋諫官本以糾人主之過俾之出補守相不得

出入禁闥則漢之諫官何益哉

汲黯以中大夫守東海云望之以丞相司直

出守平原不樂上疏曰出諫官以補郡吏所謂憂未忘本

元次公謂諫議冗者貧無

以繼祿陽城為諫議大夫不屑言事唐之諫負尤甚於

漢也

本傳

噫諫官猶不敢言事況臺臣乎況於百司庶

府乎國朝之置臺諫猶漢唐也其任臺諫實異漢唐也

何者諫臣使之諫諍此其所以為盛歟且趙中令之開

國勲舊而失色於雷中丞之一奏

雷德驥為御史中丞奏趙中令普強市人

第宅上怒叱之後其子隣復訟其庇吏受賂上怒按問罷相

韓魏公三朝元老不能

不膽落於王中丞之一言

王陶為御史中丞劾韓琦跋扈不押常朝班

臺臣

之得劾糾固也范司諫寧犯宰相之怒而不容默郭后

之事

明道二年郭皇后見跽呂夷簡以前罷相怒后范諤言后無子當廢夷簡贊其言先救有司無得受

章疏范仲淹同孔道輔數人詣垂拱殿門伏奏門者闔扉道輔叩銅鑪大呼乃逐仲淹等鄒正言寧

觸人主之怒而不容已於孟后之舉

四朝國史曾誕與右正言鄧浩善友

孟后之廢誕三與浩書勸使力請后浩不報及浩諫臣以諫立劉后南遣誕著玉山主人對客問以譏之諫臣之得諫諍故也然濮園之議諫垣雖爭而三御史亦相

繼罷去

長編治平年詔議奉安濮安懿王典禮司馬光王珪范公相繼列之

蔡確之貶諫

垣雖論而御史府亦為之一空

蔡確新州之貶臺府相繼斥逐至為之一空

新法之行不惟諫臣辨之而空臺至與之論列

新法事司馬公

蘇軾諸公凡任臺諫者皆以新法去國

是故廢國家大計察官司細故呂

公著既言六察之弊專察官司不與於言劉摯又言御

史之偏則祖宗重於責已而善於待人者可見也

元豐八年

呂公著言御史天子耳目比年以來專舉六察故事廢國家利害之大計察官司簿領之細故乞罷按察只置言事御史又劉摯言伏見諫官止有大夫一員御史臺自中丞而下雖十員然止於中丞侍御史得言事外監察御史六員專察治官司公事文書而不與於言望以諫院增置諫官負其本臺六察御史並許言事乃詔監察御史兼言事殿中侍御史兼察事

提舉

常平之事舊領之常參官其後或隸於漕臺或總於使臣而提舉常平之員未定也至熙寧二年始置局焉朝
淳化中建常平倉皇祐元年令漕運司與長吏舉所部官專領之然猶隸漕臣至熙寧初遣使提領此蓋提舉

常平所始也二年制置三司條例言河北陝西已差官
提舉常平廣惠倉欲差胡朝宗張復侯叔獻曾宜等並
為提舉茶鹽之事舊領之發運司其後或兼於憲臺或總

於知通而提舉常平之負未定也至政和初元始置司

馬國朝茶鹽之事舊隸發運司元豐間或以轉運常
平官兼提舉或以提刑兼領知通提舉政和以後詔

江淮荆湖六路共置茶鹽提舉一員宣和二年詔然常
河北京東路推行新法鈔鹽可添置提舉官一員然常

平罷於元祐而隨罷隨復元祐初司馬光言熙寧初執
政以常平法不善將罷本作

青苗錢請罷之又紹聖九年復置建炎元年詔提舉
常平歸提刑司二年復詔提刑兼紹興二年復置四年

罷委茶鹽罷於紹興既而或置或罷建炎四年詔逐路
漕臣提刑司茶鹽司盡

依舊分東西路紹興二年詔荆湖北路復置茶鹽迨至
司四年詔廣西茶鹽司官吏並罷其職事委漕臣
紹興之五年常平茶鹽併為一司而後提舉之職定矣
噫茶鹽之利為公而取其官吏固不敢有侵移之患兼
於他官無害也此君子不論亦可也常平之利為民而
置一司錢穀往往有所滲漏專置提舉誠有便於民也
此君子不論不可也請以熙寧元祐罷置常平之制而
詳究之夫常平賑荒之善政也我朝置場於淳化之二
年淳化京師大穰分遣使臣於四門置場增價以糴置
名曰常平以常平官領之歲饑而減價以與貧民

倉於景德之三年

景德三年始置常平倉每州擇清幹官主之專委司農總領三司無得移

用

無非求以便民然州縣移用聚糴不時每有災沴無

所振發尚拳拳於慶歷廷臣之請此誠為政之害也

慶歷

四年范仲淹言常平倉司農寺管轄官小權輕提刑多不舉職盡被州縣將出常平倉錢本使用致不及時聚糴每有災沴無所振發徒有安撫之名初無救卹之實熙寧二年始罷置司與其

漏卮於州縣之吏孰若兼總於一司與其沫紂以候旬

月之報孰若立賑於旦暮此其立法夫豈不善

溫公言於哲宗

曰向者因州缺常平本錢無力少糴又官吏雖欲趁時收糴而縣申州州申提刑提刑申司農比至闕投動涉

累月已然借唐虞之行以行盜跖之法

范鎮言常平始於漢之盛時雖

唐虞無以易也青苗亂世所為青苗在田賤估其值收歛未畢而必其償是盜跖之法也託壽昌之

名以用桑孔之術

見後

豐年糴穀賤價償官周之荒政然

乎否乎凶歲伐桑易錢輸負漢之常平然乎否乎

司馬公言

將糴本作青苗錢出息二分置提舉官主之豐年則農夫糴穀十不得四五之價凶年則易牛賣肉伐桑賣薪

以輸錢於官

此元祐所以力罷而不恤也雖然寧以常平之

故而復提舉不可以青苗之故而罷提舉蓋提舉非熙

寧之失以常平為青苗者誠熙寧之失耳中興以來罷

置利害講之熟矣常平本漢壽昌豈以安石而廢此高

宗之諭其臣也

紹興八年十一月李光請罷常平主管官上謂宰執曰常平法本漢景壽昌今

豈可以安石而廢之其提舉官自可復置庶幾不至臨失一司錢穀常平法不宜廢青苗

市易當罷此呂公頤浩之告其君也

建炎二年七月言者請復常平官脩

補田之法八月詔從之既又詔常平之法豈以多弊須以紹述為名雖公私不便當增損者亦不敢言今止為

常平本法所係甚大非可他司兼領宜置提舉官十一月呂頤浩葉夢得言常平法不宜廢惟青苗市易當罷

上曰青苗於是復提舉之官脩常平之法自散自歛事永無復行

權歸一無滲利也時出時入穀價不踊無歉歲也至今

便之誠萬世之良法噫熙寧之置提舉是登壘斷而罔利也元祐之罷提舉是因一噎而廢食也欲求便民之實惠其惟中興之法乎



古今源流至論前集卷六

欽定四庫全書

子部

古今源流至論前集卷八

詳校官中書臣程炎

主事臣祁韻士覆勘

總校官庶吉士臣倉聖脉

校對官中書臣潘奕雋

謄錄監生臣湯汝梅

欽定四庫全書

古今源流至論前集卷七

宋 林駟 撰

提刑

緋紫爭榮秩同漕運此國朝崇重之意也印紙書績籍
名中書此國朝勸之權也

景德四年真宗謂王旦曰先帝常選朝官諸路提點

刑獄今可復置旦曰河北陝西地控邊要尤須得人取
性度和中者執守者親遣太常博士陳綸李及咸引對
於長春殿所至專察視囚禁詳視軍牘州郡不得迎送
聚會所部每旬具囚繫犯由訊鞠次第申報常檢舉催
督任繫次者即馳往按問出入人罪者移牒覆勘劾官
吏以聞敢有庇匿並當加罪仍借緋紫以三年為任增

給緡錢如漕運使之數內出御前印書為歷書其勞績
中書密院籍其姓名代還奏課議行功賞如刑獄枉濫
不能適舉官吏曠弛不能彈劾務從畏避者實以深典夫天下分而為幾縣縣總

而為幾州州合而為幾道獄讞之繁耶簡耶民情之伸
耶否耶其權皆出於憲司之職使得元結數十輩錯布
州郡則萬物吐氣安有不平之訟是以我朝重之重之
者所以重其民也此其哀矜一念隱然於設官分職之
際故其擇吏也取其愷悌之賢而不取其刻深之習取
其均平之政而不取其高下之手死罪之覆遷為貲郎

杜衍為提點刑獄覆死以祥符四年罪遷為刑部員外郎官

冤獄之活課居上等

以祥符四年

中李吳為度支郎中兩浙運使司勲郎中王矩為工部郎中京西運副初遣官提點刑獄至是代還命白敏中等較其殿最以嘗活冤獄者為第二等餘為第三等吳矩皆為第二故遷秩為轉運副使夫以謹刑

之吏優以祿秩則苛虐者知所懲矣清謹著聲擢之提

按天聖二年監察御史張逸為益州路提點刑獄上謂輔臣曰益州民物繁富提按之任尤須得人王欽若

曰逸為御史以清謹著今必稱職賢明廉幹委之明道二年上謂謝問輔臣曰諸路刑

獄既罷提點官轉運司不能一一躬親謝問恐致冤濫宜選賢明廉幹不生事者委任之乃復諸路提點刑獄

司夫以清明之吏得以居官則貪愚者知所憚矣或者

乃曰申命使臣祗為勞擾尚見於淳化之詔

淳化四年十月降詔

曰比者申命使臣分聽獄訟徒經歲序幾有平反既莫副於哀矜徒肆為於勞擾其諸使遣刑獄司宜從省罷

委轉運司提舉提刑無益過為煩擾又見於天聖之令

天聖四年詔諸

路提點刑獄朝臣使臣交割本職公事與轉運使則是副或言提點刑獄官過為煩擾無益於事故也

司之設徒為州縣之擾其說果信乎然天下幾州不能

皆龔黃一州幾縣不能皆卓魯豈無未清之訟乎使任

按察之職者剪一身之棘蓁植子孫之桃李私家無怨

矣如公家何求鸞鳳之美名改鷹鷂之清操守令無擾

矣如吾民何蓋斂勞擾之怨者正以伸冤抑之刑而假

安靜之名者適以滋姦貪之地此歐陽公所謂朝廷未

知官吏為州縣大患而按察可以利民委任之意不堅

毀謗之言易入正有激而云也

河北按察使歐陽修言今按察者所奏未能與

行沮毀者一言便加轉信皆由朝廷未知官吏為州縣大患而按察司以利民委任之意不堅故毀謗之言易

入不然淳化嘗委刑獄於漕司矣見上未幾景德親選其

人專察囚禁而憲司復置也

見上天聖又嘗併提按於漕

司矣見上未幾明道以漕運不能躬親讞問恐致冤濫而

憲司復置也

上見

然則淳化天聖之詔以為煩擾者豈非

懲羹之太過歟故嘗曰目為三虎者不當責

慶曆中漕司楊紘提

刑王鼎頗務深刻官

司憚之號江東三虎而不按賊吏者大可責也

淳熙十三年知

平江府常熟縣曾鞏將版帳贓賞錢支用及違法科取

物事發除名勒停上曰監司以按察為職置司所在不

能無失察之罪御批

號為四瞪者不可議

京東監司孔傳琪劉穎各降一官

號為四瞪仁宗時也而不摘枉濫者深足議也

上見

守令

嘗觀班孟堅之傳循吏而有疑焉夫親民者莫如守而

於民最親者莫如今今漢傳所紀守相甚悉凡令若長
沒而不書豈為邑者績用之不逮於郡耶否則瑣瑣為
不足紀也噫此正孟堅史筆之微旨歟且天下至廣也
郡邑至衆也以郡而言之守長之賢否且不能人人而
察而縣幾倍於郡令幾倍於守其廉其貪其材其庸況
得枚舉而縷計哉故漢人之察吏深得上下相維之意
詔旨叮嚀璽書勉勵惟及守相而部刺史以六條問事
獨察二千石而已

元豐五年初置刺史每以秋分行部以詔書六條察郡國舉不法以此

見命守察令之意是時也有聲中興者茂陵之績著

魏相

治行尤異者陽翟之治彰

趙廣漢

道不拾遺何愧於潁川

之遜畔三老願留何憊於膠東之勞來

焦延壽

播之謠詠

著之史冊昭昭可見班史豈故遺於此哉忠義不傳而

紀信之實未嘗沒湯周不列酷吏豈能逃深刻之失蓋

漢之察吏者既惟切切於守相而固之傳循吏不屑及

於令宰也宜矣至膺百里而綰銅章者皆委其責於守

若相也王尊之守安定則出教告屬縣以明謹所職而

母以身試法朱博之為冀州而以兩令換縣因其有材
不職而改任之薛宣亦以刺史當察墨綬之長吏此漢
制所以近古也漢制遠矣五季令長率皆庸謬無能之
流國家以民為本其於親民之官深切留意是故損鎮
將之權而邑之事始舉今朝事實五代任官凡齷齪無能昏老不任驅策者始注縣令
故天下之邑率皆不治誅求刻剥狼迹萬狀故優譚之
言多以長官為笑建隆初始以朝官為知縣其後多用
京官為之五代藩將補親隨為諸縣鎮將掌縣盜初與
縣令抗禮凡公事即專達於州建隆三年置尉簿掌鄉
村盜賊鎮將所主郭內而已始統於縣選京朝之官而邑之任始重見其

事舉則得行所欲為之志其任重則不敢有輕授之心然祖宗之意猶未也蓋民不能徧愛得賢令足矣令不能盡知得賢守足矣守臣歲舉縣令一人則天聖之詔

也

天聖七年詔知州軍文武升朝官歲舉見任判官主簿尉有罪非干私有出身三考無出身四考堪縣令

者各一人轉運運知州課縣令三條則熙寧之法也熙寧

二年考課院準詔定考較知縣縣令課法在任斷獄平允民無冤濫賦稅及時出辦不煩追擾及差役均平並無論訴之人及雖論訴而無不當之理在任能屏除盜賊里民安居對課力田使野無曠土又能賑恤窮困不致流移雖有流移之人多方招誘却令復業一任之中主客戶比舊籍稍有增衍在任架閣簿書務令整齊經

提轉點檢別無散失及興復功利疏導積水以利民田
能勸誘人戶種植桑麻天下州軍委知州通州每歲取
索轄下得替知縣縣令前項三條課績兼依唐四善德
義清謹公平恪勤按逐人有工項事實即叅詳為上中
下三等中本路提轉再行審定工中下三等內有績行
尤異出於上等之外即定為優等若政事昏繆出於三
等之下等即
定為劣等

守倅察縣令四善則元祐之令也

元祐四年吏部

言縣令委任守倅考察課績以德義有聞清謹明著公
平可稱恪勤匪懈為四善案張簿書齊整差役均平為
治事之最農桑墾植田野無曠土為勸課之最屏除盜
賊賑卹窮困為撫養之最仍通取善最分三等及七事
以為上五事
夫舉之者守課之者守察之者又守也則
為中餘為下

領挈衆順綱舉目張又何患有不稱之職哉今守相任

考察之責者吾惑焉其所剡薦者以財賦充益為先而
留意教化者未必不遭斥逐其所稱賞者以催科先辦
為最而勞心撫字者未必不考下下逢迎主將則可以
取悅而進身稽違星限則立致譴呵而罷黜否則曰某
邑某宰非某人之葭蓍則某人之推轂也非某人之膠
漆則某人之請託也又否則曰某縣某屬非苞苴之往
來則書問之殷懃也非介紹之相通則左右之先容也
培恩桃李而不為荊棘之地沽名鸞鳳而不立鷹鷂之

操則何以警貪墨之風而養循良之治哉昔高宗聖訓
曰縣令末也郡守本也若郡守得人則縣令何患不得
人此今日家法也紹興二十八年何傳請擇大縣令為堂除上謂宰執云云雖然令
長得人責之守牧守牧得人責之部使此又澄源正本
之論故併及之

漢爵二十級

表爵皆秦制以賞功勞

公士

漢儀曰公士為國君列士顏注曰言有爵命異於士卒

上造

顏曰言有成命於上也

簪褭

顏曰以組帶馬曰簪褭者言飾此於馬也

不更

顏曰言不與更卒之事也

大夫

顏曰列位從大夫

官大夫

顏曰加官公者示官大夫樊噲傳曰國大夫

公大夫

秦制公大夫以上皆高爵也顏曰七大夫公大夫也

公乘

一曰上聞公乘顏曰言其得乘公家之車也

五大夫

食貨志曰民多買復及五大夫徵發之士益鮮顏曰五大夫第九級至此始免徭役

左庶長

顏曰言其為衆列之長

右庶長

左更

顏曰更言主領更卒部其役也

中更

右更

少上造

顏曰言其主上造之事

大上造

駟車庶長

顏曰言乘駟馬之車而為衆長也

大庶長

關內侯

劉昭曰秦都山西以關內為王畿故曰關內侯又風俗通曰秦時六國未平將相家皆關中故

曰關內侯

徹侯

應劭曰舊曰徹侯避武帝諱曰通侯通亦徹也張晏曰後改為列侯列者序列也

爵邑

漢以爵邑為實惠唐以爵邑為虛名愚嘗推其本末矣

漢封爵之等有二十曰徹侯者乃得食縣曰關內侯者

即無受邑曰大庶長至公士者如吏職耳

漢百官表上二十徹侯秦

制以賞功勞後志本注曰承秦爵二十等為徹侯金印紫綬以賞有功大者食縣小者食鄉亭得臣其所食吏

民至武帝元朔二年令諸王得推恩分衆子土地國家
為封亦為列侯又後漢志云秦賜爵十九等為關內
侯亡土寄食在所縣民租多少各有戶數為限若宣帝
劉昭曰秦都山西以關內為王畿故曰關內侯

本始間以劉德蘇武爵皆關內而得食邑者蓋當時嘉

異定策之功

宣帝本始元年論定策功蘇武等八人爵皆關內侯德武食邑特寵劉德蘇武也

高帝即位初年七大夫以上皆令食邑又所以特寵一

時軍士之勞蓋非常制也

前高祖紀帝初即位令軍士七大夫以上皆得食邑

邑之例有二有封為某侯言食邑數者有封為某侯不

言食邑者

漢功臣侯表如平陽侯萬六百戶留侯萬戶鄼侯八千戶之類餘並見表

食邑蓋以一縣一鄉之租稅俱予之言邑數則特據邑數而予之耳周官所謂以其室數制之者是已若戶之數邑所封不足以充之則或取之其隣張延壽嗣富平

侯國在陳留別邑在魏其云別邑者取之隣近之租稅

以給之蓋無定制也

漢外戚恩澤侯表張延壽嗣富平侯國在陳留別邑在魏郡又如夏

侯之食邑沂陽益食茲氏漢王即位更食汝陰益食細陽千戶之類

要之漢人制爵自侯

以上則食租自大庶長以下亦得贖罪

食貨志

故公大夫

以上者得與令丞抗禮

高紀

爵五大夫者有罪不入狴犴

惠紀爵五大夫吏六百石以上有罪當盜賊者皆頌繫爵上造以上者當刑減一

等同上造以上有罪當刑及當為城旦舂者皆耐為鬼薪白粲爵至五大夫以上者

乃得復一人食貨志無非示其實惠者若唐則不然曰王

至男者其爵等有九曰萬戶至三百者其邑數亦有九

唐百官志司封郎中一人從五品上負外郎一人從六品上掌封命朝會賜予之級凡爵九等一曰王食邑萬戶正一品二曰嗣王郡王食邑五千戶從一品三曰國公食邑三千戶從一品四曰開國郡公食邑二千戶正二品五曰開國縣公食邑千五百戶從二品六曰開國縣侯食邑千戶從三品七曰開國縣伯食邑七百戶正四品八曰開國縣子食邑五百戶正五品九曰開國縣男食邑三百戶從五品夫封爵猶漢也

食邑猶漢也然唐之爵號但止於服色而已陸贄所謂

無俸祿之資無管攝之柄無免役之優者是也

本傳是其

所以為美稱者又所以為虛假歟安有如漢人之實哉

噫以漢而論唐則唐無足取以我朝而論漢則漢亦不

能無議者且國朝爵有五等公侯伯子男是也且官之

至少卿監遥郡勲之至上柱國也始封男爵其食邑三

百焉已而二百封子已而二百封伯已而二百封侯至

二千之數於是有公爵之封

蔡龍圖官制凡官初轉少府監諸司使帶遥郡即封

某縣開國男食邑三百戶故事加勲有至此法專加封爵自元豐改官制及除宰臣以下至待制觀察使加三四種外餘但加一種耳若加恩理勲至上柱國方封男食邑三百戶再該加恩遂封子增三百戶次加封某郡開國伯又增二百戶次加恩又增食邑二百戶及次加恩方封侯亦增食邑二百戶其後凡遇加恩即增二百戶至二千官之轉觀察待制以上使也始封子爵其食邑五百焉已而八百封伯已而一千封侯亦至二千之數於是有公爵之封此侍臣以下所封之例也

同上若觀察待

制以上使初封開國子食邑五百戶次封開國伯食邑八百戶又次封侯食邑一千戶食實封二百戶其後再遇加恩增食邑三百戶食實封一百其初除執政也則不

問封爵之有無即與伯封一轉而侯再轉而公矣

同上若初

除執政不問有無封爵即帶封伯食邑五百戶食實封二百戶次遇連轉加邑即封侯食邑實封戶數亦如之

又兩經恩其初拜丞相也則不問封爵之高下即與侯遂封公侯

封食邑至二千戶則封公實封至萬戶則封小國次中

國次大國此宰執所封之例也

同上初丞相直封侯食邑一千戶食實封四百

戶每經恩連轉官或美罷相皆加食邑實封戶邑亦如之及二千石封公若累加食邑通食邑封及萬戶侯封

小國公次封中國公次封大國公若因小國中

國朝所

以遠過於漢者蓋漢之爵封有以宦官而封如張釋卿

者

高后紀八年封中謁者張釋卿為列侯諸中官有以
宦者令丞一皆賜爵關內侯食邑注釋卿宦者

方士而封如樂大者

武帝樂大以方士封為樂道侯

而我朝爵與德稱

未嘗濫受也漢有累爵至列侯而未有食邑如樊噲者

有累賜食邑而後封侯如王商者

本傳

而我朝爵與邑等

未嘗虛假也此唐之不如漢而漢之不如國朝歟

資格

以法徇朝廷則待朝廷之意固厚而待士夫之意亦厚
也以法徇士夫則待士夫之意固薄而待朝廷之意亦

薄也何者法所以奔走天下士夫也上下取必於例而不權乎理之可否大小相沿於情而不核乎事之名實前者勉強以相從後者展轉而循習譬如金石珠璣苟道路階庭處處有之則與瓦礫無異若爵祿一一如意則何以奔走天下之士不惟朝廷之法輕而士夫之自待者亦薄矣嘗觀漢之資格莫善於漢初莫不弊於武帝漢初之除相也灌嬰薨而除御史大夫蒼蒼免而相御史大夫嘉嘉薨而相御史大夫青是相之除拜皆以

序遷矣

百官表

方漢初之拜爵也樊噲以舍人而賜大夫

已而加列大夫已而賜上聞已而賜五大夫

本夏侯嬰

以太僕而賜爵五大夫已而賜執帛已而賜執珪已而

得印匱是爵之遷轉亦皆以階進矣間有超越遷轉出

於上之特恩而未聞指是以為例也夫何武帝之不念

及此哉公孫弘徒步數年至宰相封侯

本傳

田千秋亦以

一言悟意旬月取宰相

本傳

嗚呼相者百官之本也超資

越次略無等級况其餘乎蓋法之所在天地鬼神不能

易而易之者人也然則果法耶人耶愚嘗切論我朝之政遠過於前代者以寬恩待士夫之厚也我朝之政時有不及於前代者以法例徇人情之過也蓋嘗推其由矣方太祖即位之初也朝廷未有事例之行士夫未有稽習之病是時也川班比例妄訴威斷赫然謂朕之所與即為恩澤豈有例耶若是則泛例無有也

上收賢得將士之精

者置川班殿直廩賜所給與御馬直等開寶四年南郊禮畢行賞以皂御馬直從特命增給錢人五十至川班爭訟不得如例擊登聞鼓陳乞上怒遣中使謂之曰朕之所與即為恩澤又焉有例哉命斬妄訴者四十人餘

悉配隸諸州

元臣宿將以平蜀大勲雖已許之爵未嘗輕授

若是則濫恩無有也

曹彬平蜀上始許以使相及還上曰今方隅尚有未服者汝為使相

品位至矣肯復力戰耶更候我取太原因賜錢五十萬

張齊賢以布衣上書其言

雖可取而亦未授以官若是則冗爵無有也

東軒筆錄太祖謂太

宗曰我幸西都惟得張齊賢耳不欲官之異時使輔汝為相

列聖以來資格甚嚴其

用某人也必曰嘗歷某資也由守而憲由憲而漕由漕

而三路使由三路使而三司副使至是方除待制焉由

正將邊守州鈐由邊守州鈐而邊帥路鈐由邊帥路鈐

而都鈐總管至是方選管軍馬其遷轉不輕也如此制

舊典祖宗用人必嚴資格三人賜第制科入等自不待
次而舉猶試以民事故三人皆擢通判制科除簽判一
任還試館職或擢言路因其帖職遂除省府擢判官循
至三司副使言官歷臺諫循至侍御史知雜事乃不次
任用所致自餘各論資序一兩任升通判歷兩任升初
任知州資序可為正運判若除提刑知節鎮帶權字第
二任可正知節鎮而權知大藩次升初任提刑資序可
正知大藩而權轉運副使第一任正除運判轉升運使
凡三路使各高一等兩任提刑外轉運使資序若除三
路及發運副使帶權字方領帥兩任升三路使資序若
除發運使帶權字一任升三司副使資序正此方平除
待制及三路帥也朝廷每除藩府監司必有理某資序
指揮至王安石喜引新進號能集事遂權知縣資序人
為監司郡守至有初改官選人亦預峻拔者又奏議政

和三年呂頤浩奏祖宗時將臣資深者除正將其次除副將自正將分以路升都監不可任民事者除沿邊知州無才者除州鈐轄三者一等資格若功顯者升路鈐及沿邊安撫知州有勞績方除提刑邊功多而資深者除都鈐轄資深者除路總管遼副總管至是方除遣管軍四廂

自循習既久不便從

狹舊比新例日衍一日前倣後承事增一事其來非朝

夕耳故有司守法不思國體但徇人情歐陽公修己言

於慶歷之始

言行錄

爵位品秩若一稱滿其意將無以役

使羣臣司馬光復極論於治平之初

治平初司馬光上疏今爵位品秩譬

如金玉珠璣苟道路階庭處處有之則與瓦礫無異若一稱滿其意將無以役使羣臣

名器祿爵

人所奔趨必積勞而後遷則不敢躁求苟開驟進之門
使有意外之得則何所不至蘇公軾又嘗力陳於熙寧
之初奏議然橫恩四出援例日至猶未至後來之極也迨

夫安石用事喜引新進有知縣資序而為監司郡守者

有初改官而亦預峻拔者同有為判官而遽除臺職者

長編前秀州判官李定改太子中允除監察御史裏行
宋敏求封還詞頭復下蘇頌次至呂大臨皆封還並補

外天下謂嗟夫示天下以寬大之意納士大夫於寬裕
之三舍人

之途茲豈不美然屈吾國之紀綱而使人情之所願欲

沿人之情至於無已則法制舒肆而難收其末流之弊
有不勝言者然祖宗以全盛之天下當久安長治之餘
用四方事力之廣則涵容衆弊無傷大體今以東南一
隅之力收勞筋苦骨之賦未有舒伸轉移之術上方慮
其事力之易窮下猶謂其志願之未滿豈可曲循姑息
不求總核之時乎且隨事設官一官所以治一事也今
添差益貲至於無節一壺而百挈十羊而九牧慮其害
政而病民也於是有不釐務之法謂寧給以優閑之廩

而不假以州縣之權今也釐務十五六美政安在乎薦舉用人保之以親民之名而必責之以親民之實今多端經營求於倖免指州縣為徒勞之官視繁劇為煎熬之地慮其民事之不歷也於是有必試邑之法謂不限以治民考績之途則勞逸有不均之嘆今也舉貲具而不試邑者其端復開矣法安在乎若此等弊未易縷數朝廷之爵祿既輕士夫之自待亦薄平居無事用此規模猶不可以立規況庶政方新圖事揆策之時乎然又論

之侍常材以資待非常之材以望捨資而用望則狂謬
之流矯抗之士或以虛名而濫進然徒以資而待士則
盛德尊行瓌竒俊偉之賢或拘格遲回有沉陸下僚之
嘆是故畢士安以侍讀學士兩遷而正端揆

增釋景德元年宰相

李沆薨時王旦王欽若參政四年矣馮拯陳堯叟在樞
密不於見任參知樞密中求相而畢士安時為侍讀學
士冠準以故輔為三司使乃先以士安

參知政事準由計司階士安同平章事

宋琪以兵部負

外三遷而居端揆

同上興國八年正月以兵部負外郎
宋琪為右諫議大夫同判三司以琪

參知政事十一月拜同平章事

近例左右史次補知制誥而陳襄以右

史遷臺諫

言行錄

舊制中書舍人止遷後行而王祐以舍

人而遷兵部

事畧

王化基以大言自薦而擢知制誥王顯

以閣使兩遷而至兩府

增釋興國八年正月以東上閣門使王顯為宣徽南院使兼樞

密副使六月拜樞密使餘見事畧

初未始以常法拘也嗚呼韓忠獻力

言蘇東坡未可遽入翰林且請培養使天下之士畏慕

降服然後用

蘇文忠以賢良致身英宗久聞其名以唐故事召入翰林韓公琦力請朝廷培養之

使天下之士畏慕降服然後取而用之

夫如是而後可用資司馬溫公舉

李擇為戶部議者雖以為駭而溫公不謂之躡等夫如

是而後可用望事畧今之二三大臣儻以韓忠獻司馬公之
所以待士者待士尚何資望之可疑哉

職田

職田之制尚矣王制之論圭田釋者謂其厚賢孟子之
言圭田釋者謂其供祭祀嗚呼古者待士夫之意厚矣盖
衣食既足而後養廉潔之行廩餼或闕將不能安職守之
常此培養氣節封植人材所以特拳拳於圭田之制歟井
田既壞美意間斷秦漢而後寡廉鮮恥沿厯至唐内外庶

官始有職分之田

唐凡京諸司各有公廨田內而自司農寺二十六頃至率更府各二頃所給有

差外而自大都督府四十頃至中成下成各一頃亦各有差諸京官文武職事各有職分田一品十二頃二品十頃三品九頃四品七頃五品六頃六品四頃七品三頃五品八品二頃五十畝九品二頃並去京城百里內給百里內地少欲外給者亦聽之諸州及都護府親王府宗人職分之田亦各有品二品十二頃三品十頃四品八頃五品七頃六品五頃七品四頃八品三頃九品二頃五十畝諸職分田田限三月三十日稍田限四月十三日以前上者並入後人以後上者入前人其費用田以九月三十日為限各前人月耕未種後人馴其功直自種若准租分法然貞觀方給未幾以侵漁而罷
太宗貞觀十一年以職田侵漁百姓詔給逃還

貧戶視職田多少每歲給粟二十謂之地是歲以水旱復罷之

開元再復未幾以匱乏

而寢

自代宗以來關中匱竭時物價騰貴內官不給乃裁外田及田二分之一以給京官俸如前肅宗上

元十一年令官給職田其後藉為兵糧矣至是復行

嗟夫同此制也亦同此意也

周人行之為良法唐人行之多弊政此其故何哉蓋古者授田於民蓋藉民以給祿也故愛護其民常如一日唐以此田為自耕之地則勢家巨室百計豪取於是有侵漁之弊古者公卿大夫食其賦以為祿初不以田為私屬也故圭田之制可行終世唐則以此田為私屬之物則官日益繁地有常限於是有匱乏之弊周唐之制

所以若同而實異也吾觀國朝職田之制蓋始於真宗之時方國初承五季凋瘵之後土曠人稀人不樂仕祿猶可以自給也承平日久官繁物踊蒞官之日淺閑居之日長而往往有溫飽不給之憂祖宗憫其然也咸平之際遂給職田

二年給內外京職官田

天聖之際隨罷隨復

天聖七年

上封者言職田不均又貪吏多取歲租以害細民請廢之命晏殊與三司使議皆以為然詔天下職官悉以歲租送官具數上三司以時估價與給之九年詔職田所以養廉也貪汙之人侵於細民比詔停罷命三司裒公田歲入之數計直而均給之未能即行如聞勤事之吏祿薄不足自養其復即多占佃戶及無田令出租者以

枉法論

熙寧之制均及四川元豐之制均及熙河元祐中

變限歲之法而以月元符中變限月之法而以日此其

沿革大畧然耳

熙寧中以四川職田歲收子利稻梁桑麻等納隨處皆同遂召呂晦劉述均定

計實穀牆一色每計中價百有二十而梓夔利三路數少均分不足已定到成都一路以高下均給之元豐以後復熙河等路以其地給弓箭手而郡縣官職田每頃歲給錢鈔十千元祐中復推廣神宗均定四川遺意以限月之法變而均給焉元符新敕一人然既有俸祿又變限月而貪冒者或窮一日以赴限期

有職田俸祿則隨其官之高下職田則隨其地之有無

此不均之患喋喋於諸臣之論也

慶厯二年范仲淹疏近日臣僚乞罷職田

以其有不均之謗有侵民之害臣謂職田本欲養賢緣而侵民者實比之衣食不足壞其名節豈止職田之害耶自古常患重內而輕外唐外官月俸尤豐請兩制同議外官職田有不均者均之有不給者給之然後可以責其廉節是故當其有之地雖一邑之微毋慮千頃當其無之之所雖大藩之雄不及一邑或櫛風沐雨而愁困之不給或玩歲愒日而鮮醲之過奉其不均何如哉古文方職田不均當其有之地藩鎮大者至四千頃下及一縣亦無慮十頃及其無之所雖大藩求有縣百分之一亦不可得或又州自守貳以下歲動數百縣自令佐以下亦不下數十于其間又有在令佐之職而反過於守貳者亦有居簿尉之官而反過於令佐者又有一命之吏獨無職田之入者冒風沐雨負星戴月一月所

得不過數十少者不過十餘千階州之高苑凡九百斛常州之江陰凡

八百斛下而或四五百或二三百至於閩廣咸無焉或

處優逸而所得丘山或任繁劇而不得圭撮其不均又

何如哉

政和末言者謂天下圭租多寡不均縣令所得多至九百斛如階州之高苑八百斛如常州之

江陰至是而降或四五百或二三百而閩廣有自來無圭撮處遂詔縣令職田有未及格者促令標撥然

既言之遂罷之既罷之又復之豈故循習其弊耶大抵

事育之不及甚於多寡不均之患名節之自壞又不止

於頃畝不平之憂然則如之何而可曰天下公田存在

而有地之多者斂之以入官地之無者出之以供官此
慶厯廷臣之議也今獨不可行乎

見上

今天下職田皆有

定數斂其租之直於上均其租之直於下此天聖詔旨
之諭也今獨不可行乎

見上

此法既行無尊卑不倫之弊

無豐嗇不平之患其周人圭田之遺意歟噫孰知侵漁
之酷尤甚於不均之苦乎夫田以圭名為其潔也授之
以田而名之以圭者古人之意欲使夫仕享是祿而思
潔其行也今以養廉之具而為濟貧之媒守晉州者私

增租入守絳陝者遣私斂獲

杜子充請復元祐均給之法從之初晉州守臣李君

卿以所得職田諭意屬邑令增租入比舊數倍後襄陵縣令周政力陳其弊郡守符彥歲減十七八佃戶始脫苛斂之苦而晉韓絳三州圭腴素多守臣多苛法易其種子或遣子弟監糴貪汙猥賤無所不有建中靖國初知延安范純粹粹乞寧不負上人責望之意哉故曰不均令監司究情治之

之患其責在朝廷侵民之患其責在士夫

閩中人材

自常袞興學校而閩人始知文章之重

唐常袞為閩觀察使時閩人未

知學袞至為建學校訓教諸生而入遂知學

自歐陽詹登進士而閩人始知

科第之榮

韓退之文集送歐陽詹序時詹與退之等同登進士第時人謂之龍虎榜云閩人知學自

詹始愚嘗徧閱圖志熟究史牒蓋騶駱為姓閩中是居遂

為無諸國時漢初五年也

史記閩越王無諸姓騶氏從諸侯滅秦漢五年立無諸為

閩越王又索隱贊曰句踐之裔是曰無諸其地僻陋其既席漢寵寔因秦餘騶駱為姓閩中是居

俗鄙朴其人物希疎寂寥自唐以來駸駸與上國齒曼

胡之纓化為青衿

閩中記林藻泉山銘云曼胡之纓化為青衿

有闕下高風

鄉人敬慕者林有龍虎同榜天下稱重者

歐陽詹

有首首

賦詩後世仰慕者

薛全之為補闕賦詩曰曉日上團團照見先生盤盤中無一物首首長欄

杆遂去本福州
長溪縣人也

天運既回地靈毓秀前躅高古後代景

仰嗚呼美哉然唐之風土未盡變至我朝而始大榮盛
唐之人材未盡出至我朝而始大繁衍此雖風俗轉移
之效抑亦人文成化之朝默有以薰陶涵毓也然嘗論
之夫靈而為人業而為士非特區區功名利祿之計其
為文也必欲潤色皇猷不循時好其為學也必欲窺造
道間有補治道其操履則以端方直亮為尚其言論則
以鯁介慷慨為高立人之朝則處事不撓其氣槩可慕

也任君之責則竭忠自效其忠蓋可敬也處國之難則視死如歸其忠義可服也否則鳴珂名里衣錦榮鄉科第相望衣冠雜遝亦何足為榮且盛哉此君子攷論人

物蓋取其數大節目是故名重禁林詞學無比時與楊

劉同譽者

隆平集楊億建州浦城人真宗謂億詞學無比多所法時與劉筠同聲譽有正元元和風

自億始

職居西掖文學知名時與楊陳並稱者是其為文

不徇時好也

隆平集陳從易泉州人與楊大雅同在西掖文學知名時謂之楊陳得體用

之學者精及道德粗及水利

劉彝福唐人從胡安定學熙寧二年召對上問從學

何人對曰臣少從胡瑗以道德仁義教東南諸生今學者明體用之學以為政教之本皆師之功彞又長水利

著尊堯之集者學問淵源議論謹嚴是其為學有補治

道

間見錄陳瑩中南劔人著尊堯集辨誣後得瑩中尊堯集遂改神宗實錄蓋蔡卞據王安石日錄妄修神

宗實錄也

氣高行古人皆化之不曰迂闊而自變

陳襄與鄉士陳烈周

希孟鄭穆四人者氣高行古以天下之重為己任時學者溺於篆籀之文所謂知天盡性之學指為迂闊四人

卒不變人卒信而化

孝友質直必稽孔孟不為曲謹以

求名其操履正矣

隆平集王回字深甫福建侯官人孝友質直博學知要王安石謂回造次

必考孔孟不為小廉曲謹以求名諫垣論事權倖退斂於世其學問自漢儒林者罕及也

而新除三諫之詩至今膾炙人口

墓志仁宗任蔡襄為諫官遇事感激無所

回撓權倖畏斂不敢干撓時有詩曰御筆新除三諫官欣然朝野盡相歡襄乃興化仙遊人也檢院抗

章不懼勢要而直論新法之疏聞者為之縮頸

王安石行新法

時鄭俠者詣檢鼓院上章力攻其弊遂繪圖上神宗嘆息翌日詔罷青苗免役俠乃福州福清人也其言

論直矣力沮濫賞不避外怨非褊心也

隆平集吳育字春甫建州人章

憲太后升祔真宗廟言者謂覃恩給賞力諫既而上語輔臣曰外甚怨執政宜謹之育曰臣既以身許國何避

耶不由銓考封還詞頭非沽名也此其氣槩何如哉

事

蘇頌字子容泉州人秀州判官李定改太子中允除監察御史宋敏求封還詞頭敏求罷蘇頌當制奏定不由

銓考擢授朝列不緣御史會至憲臺未敢具草次至君大臨大臨亦封還並左遷知制誥天下謂之三舍人君

相予久予嘉君伐則見於聖德之詩石介聖德頌汝得象殊重謹微密君

相予久予嘉君伐得家乃建州人也薦賢報國莫非名士則見於古靈之藁

陳襄福州侯官人號古靈先生哲宗元祐初薦司馬溫公而下凡三十三人皆節義忠正之士謂之古靈藁

受遺詔於治平之初曾公亮泉州人治平初與韓琦同輔英宗時謂可比張安世陳

規模於中興之日此其忠蓋何如哉繫年錄李丞相綱字伯紀邵武軍人

相高宗言中興規模儂智之變事勢亟矣寧死其身而不

忍辱其國事畧曹覲建州人知封州儂智高反隣或勸使之去覲叱之曰吾家以忠義自將豈苟生

耶率州兵禦賊力不勝遂為所執賊諭欲用之曰犬彘敢爾耶遂殺之

渡江之際國步艱

矣寧死其節而不忍偷其生此其節義又何如哉

係年錄劉

瑛建安人以忠顯公死節補承務郎蓋忠顯公劉幹者靖康中守真定有功京城失守敵人得之欲為將忠義不辱酌幽馨而起敬想遺迹而興嗟凜然起高山仰止而死

之想如其舍是不論而縷縷功名富貴之徒特遼東之

豕耳嗚呼孰知有大於此者乎蓋顯名於一時者不若

傳道於異日有功於耳目者不若淑教於人心彼伊洛

正學為天地立心為生民立極為前聖繼絕學為天下

開太平蓋有與風雨晦冥流行於天地間而不可磨滅者自黨籍一嚴禁錮日久中更變故道脉如綫一傳而得游定夫胡文定楊龜山之流靈光屹立疏淪源派碩果不食元氣復春講明經學於建炎之初培植人材於

熙寧之後此三君子之功大矣

游酢字定夫建安人胡安國建州崇安人楊時

字中立南劍人從學伊川之門後黨禁嚴諸弟四散至高宗建炎初召楊龜山胡安國在經筵後浙閩學者皆出其門盡知性命之學再傳而得仲素五峰致堂延平晦翁之流

故老道德賴此典刑晚輩學問視此模楷責權臣以尊

主攘狄之義示後人以中庸大學之教此數君子之功

大矣

羅仲素南劍人清介絕俗從學於楊龜山後劍浦人李延平先生諱侗者又從仲素學受春秋中庸

語孟之說晦庵朱先生從學延平先生盡得其學皆伊洛性命之學也又胡五峰胡致堂皆胡安國文定先生之子秦檜以金助胡寅省親寅謝曰願公修政任賢尊主攘狄以開後功檜以其諷已始大惡之此又

閩中之山斗照映古今後學敢不欽於景仰哉噫雖百

昌黎作歐陽序林藻作泉山銘何足形容其萬一歟

見上

蜀中人材

昔我高宗之論蜀士也曰當以德行為先文章乃其餘

事大哉王言其品藻人物之龜鑑歟

係年錄紹興二十六年沈該進呈蜀

中人材上曰蜀人多能文然士人當以德行為先文章乃其餘事

愚嘗登岷峨之山望

巴江之水捫參歷井縱觀四望山川蔥鬱氣象宏富其
為物也有青金丹砂之良其為人也皆光明俊傑之習
然世之論者曰模寫風物有聲詞壇是蜀士之長也馳
騁古今持論文苑是蜀士之盛也噫德行首科文章末
技由漢至唐光映史牒能文之士固不少而碩德重望
者抑何寥寥間見耶黃門奏賦飄飄凌雲似也然失節

臨卽至虧終身之大節

西漢司馬長卿奏賦黃門武帝嘆曰飄飄有凌雲之氣又與卓

氏因撫琴有淫奔之聲

白首草元甘心寂寞固也然劇秦美新為

名教之罪人

楊子雲草太元又作劇秦文以諷莽

作頌漢庭誇詡君臣善

文辭也而彭祖喬松之語識者陋之

王褒

賦詩沉香笑譴

風月善詩章也而騎鯨捉月之跡君子惜焉

李白作沉香亭數章

又後游江騎鯨捉月而死

故漢之所可取者惟嚴君平唐之所可稱

者惟陳子昂甘心肥遯不事王侯忠孝一言有裨風教

嚴君平居蜀肆以賣卜為業為臣者教以忠為子者教以孝

秉心立朝有意規諫奏

論數章皆切大體

陳子昂

此又表表於漢唐數君子之上

尚論蜀之人材果在此而不在彼也自五季根據人物

彫陋我宋混一日薰月染偉人碩德相望先後不特區

區於翰墨蹊徑之末自今觀之詞賦有聲人曰范景仁

之能君子曰首決大議其勇決不可及也

范景仁成都人為舉子場

屋有聲賦作彩霓理識勤翻來如云云注又隱作平音去之景仁不之辨後仕仁宗時仁宗三十五年在位未

有繼嗣景仁上疏曰太祖舍其子而立太宗天下之大

公也某王既薨真宗取宗室子養之天下之大慮也願

陛下以太祖心行真宗故事章十九上待罪不肯去鬚

髮為白其後仁宗感悟遂立英宗君實作傳曰景仁之

勇決予所不及也

著論權衡人曰蘇老泉之能君子曰辨姦未

形其先見不可及也

鑿表蘇洵字明允眉州人歐陽永叔一見權書衡書嗟嘆目為荀卿

子又聞見錄王安石名始盛歐陽修勸老泉與之遊先生曰吾鄙其人作辨姦一篇以識之稱坡公

者皆曰天下奇材不知儋耳之遊其氣可以沮金石而

凌雪霜

事畧王偁曰東坡斥之嶺海之外而不為之愠也

稱潁濱者皆曰制策

翩翩不知新法之疏其言可以質天地而感鬼神

遺老傳轍

舉直言極諫得失司馬公第以三等范景仁難之蔡君謨曰吾三司使也司會之言吾愧之而不敢怨胡武平請去之上曰以直言召人而以直棄之天下謂我何卒兩寘之下第王介甫意其右宰相韓公曰此人策語謂

宰相不足用欲得婁師德郝處俊用之尚以谷永疑之
乎後神宗嗣立介甫得幸急求財利轍議事而多詆介
甫及青苗法行極論之
范淳夫之經學非學也色和氣柔開悟上

意此其學粹矣

家傳范祖禹字淳夫成都華陽人弱不
好弄博學強記范忠文每器之曰天下

士也元祐初伊川謂溫公曰經筵若得范淳夫尤好
自度乏溫潤之氣淳夫色溫而氣柔可以開陳是非導
人主之意其
田公錫之奏議非文也憂治世而危明主
後除侍中

此其文雅矣

隆平集田公錫本京兆人唐末徙蜀因居
嘉州蘇越序公奏議曰自太平興國至于

咸平可謂大治而田公之言常若有不測之憂近在朝
夕何哉古之君子必憂治世而危明主明主有絕人之
資治世無可畏之防
此君子所深懼也
以孝事親甘露降祥彭公乘之孝

人曰今之曾子也

隆平集彭永益州人天禧初遭集賢校理懇求便親得知普州父卒既葬

甘露降墓栢上人以爲孝感

以廉律己上悟帝意孫公抃之廉人曰

今之伯夷也

孫抃眉州人皇祐中權御史中丞諫官奏抃非糾繆才抃言今士趨進者多謙退者

少以善求上爲精神以能許人爲風采若然臣誠不能也仁宗察其言趣視事抃居侍從屈久而短於進取人

以爲苗劉之變事勢倉卒張公忠獻親扶日轂洗日虞

長者苗劉之變事勢倉卒張公忠獻親扶日轂洗日虞

張忠獻公浚成都人高宗即位星夜馳赴劉正彥作亂公唱義師平之

河

南之擾人心危懼孫公昭遠忠氣激烈聞者生氣其節

何如哉

建炎二年金兵攻河南府留守孫昭遠戰不利其下擁昭遠南去避兵昭遠罵之曰若等衣食

縣官不以此時報國南
去何為昭遠并孫也

之數君子者上則信於其君次

則信於其友下則信於其人蓋一世所共知者至若山

顛水涯頽墻敗壁之下不逐時好不徇世祿不求人知

此其清操高節照映流俗君子尤當表而出之不阿匪

人終身退藏王子思之逸節也

事畧王子思眉州人廷對不避權貴蔡京知成

都府舉為學官不聽後京為相遂不復仕

不從偽命守節肥遯尹和靖之高

義也

建炎初劉豫偽命召尹焞焞不肯因居蜀後高宗因召居經筵

張俞一布衣也力

舉祖訓勸勉大臣

康定中益州隱士張俞上宰相呂夷簡書閣下且舉太祖太宗之故事開

導天子之聰明云云呂夷簡謂俞所言郭元振不及何群果州一草澤也後學起

敬目曰御史

長編至和三年賜果州草澤何群安逸處士慶厯中石介在學諸生來者數千人群

自蜀至介以為學長群與人言未嘗下意曲從同舍目曰布衣御史嗚呼蜀士有聲於上

國也久矣然在漢唐則先文學在國朝則先德行此又天涵地育之教歟不然由漢以來踵秦陋習文翁修起學宮人始知學又不專於岷峨巴江之精氣也今場屋之下歲貢傑出泉石之間芝詔屢聘則孰不為明時用哉嚴王陳李司馬揚一翁二季對相望必有續後山之

詩陳后山見二蘇詩曰岷峨之山中巴江異人間
出駭四方嚴王陳李司馬楊一翁二季對相望

古今源流至論前集卷七